

# UKIUMOORTUMIK NALUNAARUSIAQ 2022

## Kalaallit Nunaanni Naatsorsueqqissaartarfik

---

Naatsorsueqqissaartarfik  
Postboks 1025 · 3900 Nuuk  
Oqar.: +299 34 57 70  
www.stat.gl · e-mail: [stat@stat.gl](mailto:stat@stat.gl)



## Ukiumoortumik nalunaarusiaq 2022

Saqqummersitsisoq:  
Naatsorsueqqissaartarfik

Uani pissarsiarineqarsinnaavoq:  
[www.stat.gl](http://www.stat.gl)

### **Najugaq**

Naatsorsueqqissaartarfik  
Sipisaq avannarleq 1  
Postboks 1025  
3900 Nuuk  
Oqar.: 34 57 70  
Mail: [stat@stat.gl](mailto:stat@stat.gl)  
[www.stat.gl](http://www.stat.gl)  
GLN 5790001952709  
CVR 41587865

## Ukiumoortumik nalunaarusiaq 2022

### Siulequt

Kalaallit Nunaanni Naatsorsueqqissaartarfiup 2022-mut ukiumoortumik nalunaarusiaa saqqummiunneqarpoq. Naatsorsueqqissaartarfiup suliassai tassunga ilanngullugit suliffeqarfiup inatsisitigut tunngavigisai aqutsinermilu pissutsit nalunaarusiami allaaserineqarput. Tamatuma saniatigut Naatsorsueqqissaartarfimmi 2022-mi kisitsisitigut paasissutissat suliarineqartut kiisalu suliffeqarfiup aningaasaqarnera, sulisullu pillugit takussutissat nalunaarusiap imarai.

Ukiumoortumik nalunaarusiamut atatillugu ingerlatsinermi pilersaarut siulersuisut akuerisimasaat ukiumut ataasiarluni nutarterlugu saqqummersinneqarpoq.

2022-p aallartinnerani sulisut arlallit suliunnaarnerat sulianut sunniuteqarput. Taamaattumik 2022-mi ukiuni kingullerni saqqummersinneqartut amerliartorsimanerat allanngortinnagu, saqqummersinneqartartut ineriartortinneqarnissaat aamma amerlisinneqarnissaat annikinnerusumik pineqarput. 2022-mi aningaasaqarnermut modelsystemip Naatsorsueqqissaartarfimmit suliarineqarsinnaalernissaanut sulisut atorineqarput. Modelsystem atorlugu aningaasaqarnermut politikkip atorineqarnissaanut piukkunnassusaa naatsorsorneqarsinnaavoq.

Ukiut qulit kingullit ingerlanerini kisitsisitigut paasissutissat saqqummersinneqartartut amerleriarujussuarput.

Saqqummersinneqartartut nutarterneqarneri saqqummersinneqartartullu pitsaassusiisa qaffatsinneqarnerisa kingunerisaannik sulilertussanik piukkunnartunik pissarsiniarnerup ajornannginnerulernissaanik kinguneqassaaq.

Vøgg Løwe Nielsen  
Siulersuisunut siulittaasoq

## Ukiumoortumik nalunaarusiaq 2022

### 1 Kalaallit Nunaanni Naatsorsueqqissaartarfiup suliassai aqunneqarneralu

#### Kalaallit Nunaanni Naatsorsueqqissaartarfik

Kalaallit Nunaanni Naatsorsueqqissaartarfik Kalaallit Nunaanni pisortatigoortumik naatsorsueqqissaarnernut qitiusumik oqartussaasuvoq. Naatsorsueqqissaartarfiup siulersuisui pingaarnertut akisussaasuupput, taakkulu inuiaqatigiinni pissutsinik ilisimasaqartunik tallimanik ilaasorta qarput. Ulluinnarni aqutsisoqarneq naatsorsueqqissaartarfimmi pisortaasumit isumagineqarpoq, taassumalu suliffeqarfik avammut nittarsaattarjaa.

#### Aaqqissuussaaniikkut inissisimaneq

Naatsorsueqqissaartarfik aaqqissuussaaniikkut Aningaasaqarnermut Naligiissitaanermullu Naalackersuisoqarfiup ataaniippoq. Aningaasaqarnermut Naligiissitaanermullu Naalackersuisoqarfiup Naatsorsueqqissaartarfimmi aningaasaqarneq sulisunullu atugassarititat pingaarnertut akisussaaffigivai. Atugassarititat naatsorsueqqissaarnermut tunngasut siulersuisut akisussaaffigivaat.

### 1.1 Siulersuisut suliassaat katitigaanerallu

#### Siulersuisut suliassaat

Siulersuisut suliassaat Inatsisartut inatsisaanni nr. 11, 29. oktober 1999-imeersumi takuneqarsinnaasut ukuupput:

- Kalaallit Nunaanni Naatsorsueqqissaartarfimmut pingaarnertut akisussaaffik isumagissallugu
- Kisitsisitigut paasissutissat tamaneersut katiternissaannut siunnersuuteqassallutik
- Kalaallit Nunaanni Naatsorsueqqissaartarfik anguniakkanut aalajangersakkat naapertorlugit sulinersoq nakkutigissallugu
- Suliniuteqarfigineqartunut piffissaq ungasinnerusoq isigalugu Kalaallit Nunaanni Naatsorsueqqissaartarfiup pilersaarusionera akuerissallugu
- Kalaallit Nunaanni Naatsorsueqqissaartarfiup sulinissamut pilersaarutai akuerissallugit
- Ukiumut ataasiartumik suliffeqarfiup sulinera pillugu Naalackersuisunut nalunaarummik tunniussaqaqtarnissaq

## Siulersuisut katitigaanerat

Siulersuisut 2022-p naanerani ukuninnga inuttaqarput, taakku atuuffiisa atorunnaarnissaat ungaluusami nalunaarutigineqarpoq:

- Vøgg Løwe Nielsen, siusinnerusukkut Danmarks Statistik-imi allafimmi pisortaasimasoq (juunip tallimaanni 2023)
- Tønnes Berthelsen, siusinnerusukkut KNAPK-mi pisortaq (juunip tallimaanni 2025)
- Kim Neumann Nielsen, Akileraartarnermut Aqutsisoqarfimmi pisortaq (juunip tallimaanni 2025)
- Paneeraq Noahsen, Nunatsinni nakorsaaneqarfimmi Inuiaqatigiit peqqissusaannut nakorsaaningorniaq (juunip tallimaanni 2023)
- MítdláraK E. Lennert, Ilisimatusarfik (juunip tallimaanni 2024)

Kalaallit Nunaanni Naatsorsueqqissaartarfiup sulisui sinnerlugit Simon Westmann siulersuisuni 2022-mi malinnaasutut ilaasortaatinneqarpoq.

Kalaallit Nunaanni Naatsorsueqqissaartarfimmut siulersuisut 2022-mi pingasoriarlutik ataatsimiipput. 2022-mi siulersuisut ukiumut suliarisartagaat tasasaut Ukiumoortumik nalunaarusiaq aamma Ingerlatsinermit pilersaarut suliarineqarnera akuerineqarneralu sammineqarlutik aamma 2022-mi missingersuutit suliaassanullu pilersaarutit immikkut sammineqarput. Aggustimi siulersuisut ataatsimiinnerminni IT-qarnermut tunngasut paasissutissanillu isumannaallisaanermut tunngasut tunngasut immikkut sammivaat.

## 2 Kalaallit Nunaanni Naatsorsueqqissaartarfimmi ukiup ingerlanera

### 2.1 Kisitsisitigut paasissutissiorneq

Immikkoortuni kisitsisitigut paasissutissat assigiinngitsut saqqummersinnekartut agguarnerat takussutissiamit ataaniittumit erserput. 2022-mi ukiullu siuliini Naatsorsueqqissaartarfiup saqqummersitai immikkoortiterluagaanerusunngorlugit takussutissiorneri nittartakkami [www.stat.gl](http://www.stat.gl)-mi takuneqarsinnaapput.

### Takussutissiaq 1. 2019-imiit 2022-mut saqqummersitat amerlassusivii aamma immikkoortut kisitsisitigut paasissutissanik suliaqarfiusut mallugit 2023-mi saqqummersitassatut pilersaarutaasut

	2019	2020	2021	2022	2023
Kalaallit Nunaanni kisitsisit	1	1	1	1	1
Aningaasaqarneq pillugu kisitsisitigut paasissutissat	42	51	54	56	58
Innuttaasut pillugit kisitsisitigut paasissutissat	29	27	28	27	29
Suliffeqarneq pillugu kisitsisitigut paasissutissat	40	41	43	47	48
<b>Katillugit</b>	<b>112</b>	<b>120</b>	<b>126</b>	<b>131</b>	<b>136</b>

### Aningaasaqarnermi periutsit

2021-mi DREAM maleruagassanik assigiinngitsunik Namminersorlutik Oqartussanut tunniussivoq. DREAM tassaavoq naalagaaffimmi suliffeqarfik namminersorluni arlaannaatigulluunniit attuumassuteqarnani ingerlasoq. DREAM-ip nuna tamakkerlugu naatsorsuinerimi, periutsinik ineriartortitsinissaq, aserfallatsaaliuinissaq aamma annertussuseq aallaavigalugu misissueqqissaar-nissaq siunertaraa.

Periutsit ukiut arlaqartut DREAM-imit ineriartortinneqarsimasut maanna Naatsorsueqqissaartarfimmit ineriartortinneqarlutik ingerlaneqarput. Periutsit pineqartut tassaapput siunissami innuttaasut ilinniarsimassusissaanik missingersuineq, innuttaasut aningaasaqarnikkut qanoq inissisimanissaat pillugu missingersuinerit aamma politikikkut aningaasarsiornermi qanoq inissisimanissaq pillugu missingersuinerit. Maanna innuttaasut amerlassusissaat Naatsorsueqqissaartarfimmit naatsorsorneqartartut pingaaruteqarluarlutik periutsinut tunngaviulluarput.

Periutsit atorineqartussat 2022-mi Naatsorsueqqissaartarfimmit ingerlanneqalerput. Ukiup ingerlanerani Naatsorsueqqissaartarfimmit periutsit atorineqarnerat pitsanngorsarneqarput Aningaasaqarnikkullu Siunnersoqatigiinnut periutsit atorlugit suliaqartoqarluni.

## **2.2 Naatsorsueqqissaarnermik paasissutissiisarneq**

### **Qarasaasiat atorlugit paasissutissiisarneq**

Naatsorsueqqissaartarfiup siammarterinera qarasaasiatigut pinerusarpoq. Qarasaasiakkut paasissutissiisarneq akikinneruvoq, sukkanerulluni aammalu atu-isartut assigiinngitsut pisariaqartitaat naapertorlugit allannortikkuminarluni.

Nittartakkami tusagassiuutinut nalunaarutit, saqqummersitat, immikkut saqqummersitat, ukiumoortumik kisitsisitigut paasissutissat aamma kisitsisaataasivik ataatsimoortillugit takuneqarsinnaanerat neqeroortigineqarpoq. Nittartagaq kalaallisut qallunaatullu allagaavoq, immikkoortulli pingarnerit tullut nutserneqarnikuupput.

### **Saqqummersitat**

Kalaallit Nunaanni Naatsorsueqqissaartarfimmit saqqummersinneqartartut tamarmik akeqanngillat nittartakkamullu aaneqarsinnaallutik. Kalaallit Nunaanni kisitsisit naqiterlugit taamaallaat saqqummersinneqartarput. 2022-mi Naatsorsueqqissaartarfik 131-nik saqqummersitsivoq. 2022-mi saqqummersitat 78 pct.-ii piffissaq eqqorlugu saqqummersinneqarput, 2021-imi 86 pct.-it piffissaq eqqorlugu saqqummersinneqartut.

## Takussutissiaq 2. Piffissaq eqqorlugu 2017-imit 2022-mut saqqummiusisarneq

	2017	2018	2019	2020	2021	2022
Piffissaq eqqorlugu saqqummertut	81	82	93	109	108	102
Sap. ak. angullugu kinguaattoorlutik saqqummertut	2	5	7	6	8	8
Qaammat ataaseq angullugu kinguaattoorlutik saqqummertut	13	11	4	4	10	13
Qaammat ataaseq sinnerlugu kinguaattoorlutik saqqummertut	4	7	5	1	0	3
Ukiup tullianut kinguartinneqartut taamaatiinneqartulluunniit	4	18	3	0	0	5
<b>Katillugit</b> .....	<b>104</b>	<b>123</b>	<b>112</b>	<b>120</b>	<b>126</b>	<b>131</b>

Saqqummersitassat 2023-mut kinguartinneqartut tassaapput suliffeqarnermut tunngasut marluk, suliffeqarnermut aamma suliffissaaleqisunut tunngasut. Kinguartinneqartut allat tassaapput innuttaasut amerlassusissaat aamma nuna tamakkerlugu naatsorsuutit taakkununga input/output tabelit ilaapput.

### Kisitsisaataasivik

Saqqummersitanut atatillugu paasissutissat immikkoortiterluagaanerusut Kisitsisaataasivimmi tabelini nassaassaapput. Naatsorsueqqissaartarfiup nittartaga aqutigalugu imaluunniit <https://bank.stat.gl> toqqaannartumik iserfigalugu kisitsisaataasivimmut isertoqarsinnaavoq.

Kisitsisaataasivimmik atuisut tabelit assigiinngitsut 530-t 2023-mi marsimi atorsinnaavaat ukiup siuliani tabelit 500-upput. 530-t akornanni 139-t tabelit toqqortaapput nutarterneqassaarnikut, nalinginnaasumillu tabelinik allanik taarsigaasimasarlutik.

Kisitsisaataasivimmi kisitsisaatigineqartut aaneqarsinnaapput atuisullu Namminneq programiutaanni imaluunniit periarfissat allat kisitsisaataasiviup atuisunut quppersagaaniittut atorlugit suliarineqarsinnaapput.

Takussutissiami ataaniittumi 2021-mi aamma 2022-mi kisitsisaataasivimmut aallernerit naatsorsornerat takuneqarsinnaavoq.

### Takussutissiaq 3. Kisitsisaataasivimmu aallernerit, 2021-2022

	2021	2022
<b>Katillugit</b>	60502	58566
Suliffeqarnermi pissutsit .....	4272	4504
Innuttaasut .....	18791	17324
Nukissiuuteqarneq .....	2068	2072
Inuussutissarsiutit .....	920	853
Aalisarneq piniarnerlu .....	4426	5074
Kalalaallit Danmarkimi najugallit .....	699	504
Isertitat .....	2824	2898
Pinerluttuliomerit .....	1028	860
Nuna tamakkerlugu naatsorsuutit .....	1879	1947
Pisortat aningaasaataat .....	1199	1188
Akit .....	1660	1894
Isumaginninnermut tunngasut .....	1599	1221
Ukiumoortumik kisitsisitigut paasissutis- sat	122	182
Tupa imigassarlu aalakoornartulik .....	694	699
Takornariaqarneq .....	2878	3744
Ilinniartitaaneq .....	8582	6812
Nunanik allanik niueqateqarneq .....	1964	2088
Aningaasaqarnikkut pissutsit .....	318	304
Inuit aqq .....	1471	1478
Peqqissutsimut tunngasut .....	2732	2606
Allat .....	376	314

#### Oqalugiariartortarneq

Septembarimi Arctic Circle Business (Qeqqata Kommuniani inuussutissarsiornermik siunnersuisoqatigiivi) ilaatigut inuussutissarsiorneq pillugu kisitsisitigut paasissutissanik aamma takornariaqarnermi kisitsisitigut paasissutissanik paasisassarsiorlutik Naatsorsueqqissaartarfimmut pularput. Novembarimi Niuernermik Ilinniarfimmi finansøkonomit ilinniartut Naatsorsueqqissaartarfik tamakkiisumik suliai pillugit paasisassarsiorlutik pularput.

Nunat tamalaat akornanni Naatsorsueqqissaartarfik peqataaffigisamini ukuninnga marlunnik saqqummiivoq:

- Aggustimi Nunani avannarlerni kisitsisitigut paasissutissiortartut ataatsimeersuarnerat iluatsillugu allaffiit mikisut nunanit ukunaneersut ataatsimeeqatigiippit; Kalaallit Nunaat, Åland, Island aamma Savalimmiut, tassani ataatsimiinnermi peqataasut paasissutissalerinermik suliaqartut tamarmik suliaminnik saqqummiussippit.
- Aggustimi Nunani avannarlerni kisitsisitigut paasissutissiortartut ataatsimeersuarneranni "Population accounts" Naatsorsueqqissaartarfimmit saqqummiunneqarpoq.

#### Facebook

Kalaallit Nunaanni Naatsorsueqqissaartarfik 2014-imi Facebookimi atuisunngorpoq. Atuisunngornerup siunertarivaa Kalaallit Nunaanni Naatsorsueqqissaartarfimmit nutaarsiassat inunnut amerlanerusunut apuuttalernissaat. 2023-mi marsimi Facebookimi 1.132-nik malinnaasoqarpoq ukiup siuliani 1.105-inik malinnaasoqartoq.



## API

Kisitsisaataasivimmi paasissutissat API-nngorlugit (application programming interface) paasissutissiisartunit allanit pissarsiassaapput. Paasissutissat Kisitsisaataasivimmeersut aaneqarsinnaapput programminilu atoqqinneqarsinnaallutik, soorlu mobiilini appini, nittartakkani saqqummiissutini aalajangersimasuni allanilu. Takornariaqarnermut kisitsisitigut paasissutissat [www.tourismstat.gl](http://www.tourismstat.gl)-imiittut Visit Greenlandip atortagai Kisitsisaataasivik nutarteraangat ingerlaannaq aaneqartarput.

Kalaallit Nunaanni Naatsorsueqqissaartarfiup assilersukkanik saqqummius-sinissamut periarfissat nammineerluni atortarsimavai, nunarsuarmi anguniakkanut qupperneq annerusumik pineqarluni. Programkode nittartakkamut atorqeartartoq Naatsorsueqqissaartarfiup avataaniittunut soqutiginnittunut akeqanngitsumik pissarsiassanngortinneqarnikuuvoq.

## 2.3 Aningaasatigut isumalluutit

Siulersuisut sulianut pilersarusiamik aalajangersaasarput, taakkulu aningaasaliissutinik ukiumoortumik aningaasanut inatsit aqputigalugu tunniunneqartunit suliassanillu suliakkiissutaasunit isertitanit aningaasalersorneqarput.

2022-mi aningaasaliissutit 11.8 mio. kr.-imiipput. Naatsorsuinerup inernerata takutippaa aningaasat atukkat 1,9 mio. kr.-nik ikinnerusimasut.

Akissarsianut aningaasartuutit sulisunullu aningaasartuutit pilersaarummiit annikinnerunerat Naatsorsueqqissaartarfiup aningaasanik atuinikinneranut pissutaasut annersarivaat, tamanna 2022-mi sulisussanik pissarsisinnaasimannginnermik pissuteqarpoq.

Sulisunik amigaateqarnerup kingunerisaata ilagaat nuna tamakkerlugu naatsorsuutit 2021-moortut aatsaat 2023-mi saqqummersinneqarnissaat. Nuna tamakkerlugu naatsorsuutit saqqumersinneqarnissaata kinguartinneqarnerata malitsigisaannik Danmark Statistikimit siunnersortinut aningaasat atugassat aamma 2023-mut kinguartinneqarput.

2022-mut naatsorsuutit ukiup siulianit nuuttanik (sinneqartoorutaasimasunik) 1.2 mio. kr.-inik ilaqarput.

## Takussutissiaq 4. Naatsorsuutit inernerit 2019-2022

Art	Kontop aqqa	2019	2020	2021	2022
2101	Tunisineq	-1.023	-934	-679	-847
22xx	Akissarsiat (siulersuisut akissarsiaat ilanngullugit)	9.071	10.034	10.381	9.778
	Atorfinittunut atorfeqarunnaartunullu				
2205	aningaasartuutit	19	80	38	46
2206	Pikkorissartitsinernut aningaasartuutit	37	2	13	12
2207	Sulisunut aningaasartuutit allat	502	62	149	385
2208	Nioqqutissanik pisinernut aningaasartuutit	89	115	185	127
2209	Kiffartuussinernik pisinernut aningaasartuutit	183	69	71	76
2210	Ineqarnermut aningaasartuutit	0	50	0	0
2212	IT aamma attaveqaqatigiinneq	196	152	244	174
2213	llassinnineq	9	0	0	1
2214	Avataanit ikiorneqarnermut aningaasartuutit	269	66	92	59
2217	Pigisat iluarsaanneri aserfallatsaaliernerilu	0	0	17	53
2218	Atuinernut aningaasaliissutit, illuutitut	0	0	10	0
3201	Pigisat	136	5	0	0
3401	Aningaasaliissutit	11	0	0	2
3901	Ukiut akornanni nuussinerit	-80	23	185	-5
		9.419	9.725	10.705	9.861

## 2.4 Sulisoqarneq

### 2023-p aallartinnerani sulisut

Januaarip aallaqqaataani 2023-mi sulisut 15-iupput tassaasut: Pisortaq, pisor-tap tullersortaa, kisitsisitigut paasissutissanut siunnersortit aqqanillit aamma paasissutissiisartut marluk. Kisitsisitigut paasissutissanut siunnersortit akornanni pingasut 2021-mi sulilersuupput (taakkunani piffissap ilaannaa sulisar-luni). 2022-p ingerlanerani kisitsisitigut paasissutissanut siunnersortit pingasut suliunnaarput.

2022-mi Naatsorsueqqissaartarfimmit allaffissornikkut suliassat namminersor-luni allaffissornikkut suliaqartumit isumaqatigiissutit malillugit sularineqar-tarput.